

2021 年高師大原住民族語朗讀【恆春阿美語】編號 2 號

Sowal no mita o 'Amis 我們的語言

1. O caciyaw no mita o 'Amis limaay ko kasasiloma no ho ko kasaniyaró'.
ngilay no caciyaw— o no 'Amis, o no Siwkolan, o no Pasawali, o no Falangaw ato o no Palidaw.
2. Onian a limaay a kasasiloma haw i, o nipasasiloma'an no mikingkiway. Ano tengilen ko tawcikel no malitengay haw i, cowa ka hatila.
3. I 'a:yaw, o ngangan no niyaró' ato tamdaw ato caciyaw nangla, o cecayay ko pinangan.
4. O loma sato, itini kaitilaan no to'as ita o 'Amis i, cowa ho ka adihay ko kasaniyaró'. Itiya ho i, o masasi'adaay
5. O todong no cecayay a kitakit ko sa'osi to itiya:ay ho a kasaniyaró'.
6. Itini i ka'amis ila ko Lidaw, o Pokpok, o Natawran, o Cipawkan, ato Cikasoan.
7. Itini i siwkolan i, ila ko Fata'an, o Tafalong, o Posko, o Pa'ilasen. Itini i pasawali i, ila ko Fakong ato Ciwkangan; i katimol i, ila ko Falangaw, o Palidaw.
8. Hatilaay ko satapang no kasaniyaró', saka, awaay ho ko mamangay a niyaró'. Orasaka ano tengilen ko

mato'asay to kakakonis no niyaro' haw i, awaay ko hatilaay.

9. O Fata'an a tamdaw i, i Fata'an ko niyaro' nangra, ono Fata'an ko caciyaw. Ano Tafalongay a tamdaw i, i Tafalong ko niyarao', o no Tafalong ko caciyaw.
10. Ano Cikasoan to, ano o Falangaw to i, malecaday to masahatila.
11. Orasaka o cecayay ko ngangan no tamdaw ato niyarao' ato caciyaw ko nanam no to'as ita.
12. Nikaorila, aniniay to a tamdaw, tool han to nangra ko pikakonis a paini no mikingkiway.
13. O roma sato, ona limaay a caciyaw, ila ko nikasasiloma

a pasapinang to malecaday a pinangan. Tinako,

“Oradan anini.” han no 'Amis, “Ma'orad anini.”

14. han no Fata'an ato Tafalong ato no Pasawali, “Ma'oraday anini.” han no Falangaw ato Palidaw.
15. O loma' sato, o mami^ han no 'Amis ko kamolaw no Siwkolan, o kamoraw han no Pasawali ato Palidaw, o wirok han no Poskoay, o ceroh han no Cikasoan.
16. Ila ko macaco'isay a caciyaw, tinako “kahecid” han no 'Amis, Pasawali, Falangaw, ato Palidaw ko kacedah no Fata'an.
17. O kahecid no Fata'an a caciyaw i, koesan han no Pasawali, Falangaw ato Palidaw, sicedam han

no 'Amis.

18. O micidekay a kasasiloma to caciyaw no loma a
finacadan haw i, oya cikedecay ['] ato ya cikalaway [^]
a caciyaw no mita.
19. inako to cikedecay a سوال, 'is'is, 'ot'ot, 'ad'ad, to'to'
manta', tama'...; o cikalaway a سوال: titi^, so^so^,
mima^ma^, do^do^, alaf^af, aday^ay....onini a caciyaw
i,
20. o kaadadaan no minanamay a wawa, orasaka songila'en
ita a pasifana' ko wawa ita.
21. Ano masiday ko hatiniay a ngilay no caciyaw haw i,
awaay to ko so'elinay 'aredetay a caciyaw no mita.